

Kukkunersiusunut naalagaaffimmit akuerisanut aamma nalunaarsukkanut maleruagassanik unioqqutitsisoqartillugu aalajangiisartut pillugit Kalaallit Nunaannut nalunaarut (Kukkunersiusut pillugit Aalajangiisartut)

Kukkunersiusut naalagaaffimmit akuerisat aamma nalunaarsukkat pillugit inatsimmi, Kalaallit Nunaannut kunngip peqqussutaatigut nr. 623-kut ulloq 23. juni 2008-meersukkat atortuulersinneqartumi, § 19, imm. 1 aamma 6 naapertorlugit aalajangersarneqarpoq:

Kapitali 1

Kukkunersiusut pillugit Aalajangiisartut piginnaatitaanerat aaqqissuussaanerallu

§ 1. Maleruagassanik unioqqutitsisoqartillugu Aalajangiisartut, kukkunersiusut naalagaaffimmit akuerisat aamma nalunaarsukkat pillugit inatsit, Kalaallit Nunaannut kunngip peqqussutaatigut atortuulersinneqartoq, naapertorlugit kukkunersiusut akuerisat aamma nalunaarsukkat pillugit maalaarutininik suliaqartut Kukkunersiusut pillugit Aalajangiisartut-nik taaneqartassapput.

Imm. 2. Kukkunersiusut naalagaaffimmit akuerisat aamma nalunaarsukkat pillugit inatsimmi § 1, imm. 2, Kalaallit Nunaannut kunngip peqqussutaatigut atortuulersinneqartoq, naapertorlugit kukkunersiusut naalagaaffimmit akuerisaq imaluunniit nalunaarsugaq atorfinnut atatillugu pisussaaffimminik paarsinerluttoq pillugu maalaarutininik Kukkunersiusut pillugit Aalajangiisartut suliaqartussaapput.

Imm. 3. Maalaarutit kukkunersiusup akissaataanut kiisalu suliat suleqatinut tunngasut Kukkunersiusut pillugit Aalajangiisartunut suliassanngortinneqarsinnaanngillat.

§ 2. Kukkunersiusut pillugit Aalajangiisartut inuttaat tassaapput siulittaasoq ataaseq aamma siulittaasup tullii marluk, taakkunannga ilaasortaq minnerpaamik ataaseq nunap eqqartuussisuunerisallugu. Taakkua saniatigut Kukkunersiusut pillugit Aalajangiisartut 12-inik allanik ilaasortasapput, taakkunannga 3-t kukkunersiusuussallutik naalagaaffimmit akuerisat, 3-t kukkunersiusuussallutik nalunaarsukkat aamma naatsorsuutininik atuisunut sinniisut 6-t.

Imm. 2. Ilaasortanut tamanut – siulittaasoq siulittaasullu tullii marluk eqqaassanngikkaanni – sinniisussamik ataatsimik toqqaasoqartassaaq.

Imm. 3. Aalajangiisartut ilaasortai sinniisussaallu Erhvervs- og Selskabsstyrelsimiit ukiut sisamakkaarlugit toqqaarneqartassapput.

Imm. 4. Suliassanik ataasiakkaanik naliliineq aallaavigalugu siulittaasup aalajangissavaa ilaasortat qassit kikkullu suliap suliarineqarnerani peqataassanersut. Kukkunersiusut amerlassusaat naatsorsuutininik atuisut sinniisaasa tamatigut amerlaqatigisassavaat.

Imm. 5. Suliat § 7 naapertorlugit siulittaasup kisimi aalajangiiffigisai eqqaassanngikkaanni, suliamik kukkunersiusunut naalagaaffimmit akuerisanut tunngasumik Kukkunersiusut pillugit Aalajangiisartut suliaqarneranni kukkunersiusut naalagaaffimmit akuerisaq minnerpaamik ataaseq peqataassaaq. Taamatuttaaq kukkunersiusunut nalunaarsukkanut tunngasumik suliamik aalajangiisartut suliaqartillugit kukkunersiusumik nalunaarsukkamik minnerpaamik ataatsimik peqataasoqartassaaq. Taamaattorli suliassani pisinnaatitaaffiaaffiusinnaasuni, tak. kukkunersiusut naalagaaffimmit akuerisat aamma nalunaarsukkat pillugit inatsimmi § 20, imm. 2, Kalaallit Nunaannut kunngip peq-

qussutaatigut atortuulersinneqartuq, kukkunersiuisut naalagaaffimmit akuerisat aamma nalunaarsukkat minnerpaamik 2-t peqataassapput.

§ 3. Aalajangiisartuni ilaasortat arlaannaalluunniit suliamik sularinneqataassanngilaq, pineqartuq Kalaallit Nunaanni eqqartuussisarnermik inatsimmi malittarisassat malillugit eqqartuussisutut akooqqusaassanngikkalaruni.

Imm. 2. Ilaasortap pissutsit, pineqartup akooqqusaannginneranik kinguneqarsinnaasut, aalajangiisartunut nalunaarutigissavai, tak. imm.1.

Imm. 3. Apeqquut ilaasortap akooqqusaannginneranut tunngasoq sapinngisamik qaqqinneqartariaqarpoq suliaq aalajangiisartunit sularineqalersinnagu.

Imm. 4. Kukkunersiuisut pillugit Aalajangiisartut namminneq aalajangissavaat ilaasortaq suliap sularineqarnerani peqataasinnaanersoq.

§ 4. Kukkunersiuisut pillugit Aalajangiisartut sulinerat siulittaasup aqqissuutissavaa, matumunnga ilanngullugu allattoqarfimmi sulineq.

Imm. 2. Aalajangiisartut ataatsimiinnissaannut piffissaq, sumiiffissaq aamma ullormut oqaluuserisassat siulittaasup aalajangersartassavai, ataatsimiigiaqqusissutillu isumagisassallugit. Ataatsimiinneq tamanut ammasuussagaangat, tak. § 9, imm. 3, tamanna Kukkunersiuisut pillugit Aalajangiisartut nittartagaanni www.disciplinaernaevnet.dk-mi imaluunniit Atuagagdliutit/Grønlandsposten-imi aamma Statstidende-mi sivikinnerpaamik ullut pingasut sioqqullugit nalunaarutigineqartassaaq – piffissaq sumiiffissarlu allallugit

Imm. 3. Aalajangiisartut ataatsimiinneri allattaavinnut allattorneqartassapput, allattorneqassallutik piffissaq ataatsimiiffillu, ataatsimiinneq tamanut ammasuusimanersoq, ilaasortat kikkut peqataasimasut kiisalu inuit illuatungiusutut najuussimasut imaluunniit taakkua sinnerlugit najuussimasut imaluunniit taakkununga ikiuussimasutut najuussimasut aqqi. Aammattaaq siulittaasup suliani ataasiakkaani tamani erseqqinnerusumik aalajangiinera naapertorlugu allattaavinnut allattuisoqartassaaq.

Imm. 4. Siulittaasup aalajangiisartut ataatsimiinnerini isumaqatiginninniarnernik aqutsissaaq.

Imm. 5. Siulittaasup nakkutigissavaa suliassat naleqquttumik pilertussusilimmik naammassineqartarnissaat.

Imm. 6. Suliassat ataasiakkaat siulittaasup siulittaasullu tulliisa akornanni agguataarneqarnissaat siulittaasup aalajangigassaraa. Suliani, siulittaasumit taakkununga isumagisassanngortinneqartuni, pisinnaatitaanerit, nalunaarutikkut matumuuna siulittaasumut pigitinneqartut, siulittaasup tulliisa isumagissavaat.

Kapitali 2

Suliap piareersarneqarnera

§ 5. Maalaarut allaganngorlugu Revisornævnet-imut, Kronprinsessegade 8, st., 1703 København K, nassiunneqassaaq.

Imm. 2. Maalaarummi allaaserineqassapput pissutsit aalajangiisartunut naliliivigeqquneqartut. Pisussaaffimmut akerliusumik iliuitsip imaluunniit sularinngitsuukkap, maalaarummut tunngasup, atuukkunnaarneraniit kingusinnerpaamik ukiut tallimat qaangiutsinnagit maalaarut Kukkunersiuisut pillugit Aalajangiisartunut nassiunneqarsimassaaq.

Imm. 3. Maalaarummut ilaassaaq akitsuut 500 koruuninik annertussusilik. Akitsuut ilaangippat siulittaasup akiliinissamat piffissaliissaaq, kingusinnerpaamillu piffissaliussap qaangiunnerani akiisooqarsimangippat suliassaq itigartitsissutigineqassaaq.

Imm. 4. Taamaattoq maalaarutit Erhvervs- og Selskabsstyrelsimit, Finanstilsynimit, Kalaallit Nunaanni Naalakkersuisunit, unnerluussisussaataitaasunit, Kukkunersuisut Naalagaaffimmit akuerisat Peqatigiiffiannit, Kukkunersuisut Nalunaarsukkat Peqatigiiffiannit FRR-imit imaluunniit Kukkunersuisunik Nakkutilliisoqarfimmit suliassiissutigineqartut akitsuuteqartinneqassanngillat.

§ 6. Pisortat ingerlatsineranni aalajangiinernik paasitinneqarsinnaatitaaneq pillugu inatsit aamma pisortat ingerlatsinerat pillugu inatsit aalajangiisartut sulineranni atuutissapput.

§ 7. Siulittaasup itigartitsissutigisassavai maalaarutit aalajangiisartut piginnaatitaanerannut attuumassuteqanngitsut, matumunnga ilanngullugit maalaarutit inunniit, pissutsimi maalaarummut tunngasumi inatsitigut soqutigisaqartuunngitsuneersut, kiisalu maalaarutit tunngavissaqanngitsutut erseqqissumik naatsorsuutigineqareertariaqartut.

§ 8. Kukkunersuisut pillugit Aalajangiisartut allakkap maalaarutaasup nuutsinneqarnera bilageqarpallu bilagit ilanngullugit maalaarutigineqartumut nassiutissavaat kajumissaarutigalugu erseqqinnerusumik piffissaliunneqartoq nallertinnagu oqaaseqartoqassasoq. Tamatumunnga peqatigitillugu maalaarutigineqartoq ilisimatinneqassaaq aalajangiisartunut orniguttoqarsinnaasoq illersuisumik ilaqarluni, immaqaluunniit eqqartuussissuserisumik, aamma maalaarutigineqartoq suliame akisuteqanngippat maalaarut sularineqarsinnaassasoq tunngavilersuut pigineqartoq aallaavigalugu.

Imm. 2. Maalaarutigineqartup oqaaseqaatai bilageqarpallu bilagitalerlugit maalaaruteqartumut saqqummiunneqassapput. Siulittaasup pisariaqarsorippagu, illuatungeriit piffissaliussaq nallertinnagu saqqummiussaqaqqinnissaminnut periarfissinneqassapput.

Imm. 3. Siulittaasup isumagissavaa, paasissutissat pisariaqartut suliap sularineqarnerani pigineqarnissaat aamma pisariaqartumik misissuisoqarsimanissaa. Suliap sularineqarnerani sukkulluunniit, paasissutissat pioreersut saniatigut, paasissutissanik amerlanerusunik pissarsiniartoqarsinnaavoq.

Imm. 4. Siulittaasup paasissutissat illuatungiliuttumit pisut illuatungeriinnit ilisimaneqarnissaat isumagissavaa, paasissutissat taakku suliap aalajangerneqarnissaanut pingaaruteqartutut isigineqartariaqarpata, taamaattoqassananili tamat soqutigisaannik imaluunniit inuup nammineq soqutigisaannik pingaaruteqarluinnartumik qajassuussineq tamatumunnga akerliuppat, matumunnga ilanngullugu sullinneqartup suliffiutaanut aningaasaqarneranulluunniit tunngasunik qajassuussineq.

Kapitali 3

Suliap aalajangiivigineqarnera

§ 9. Suliame illuatungiliuttut Kukkunersuisut pillugit Aalajangiisartunut ornigussinnaatitaapput nassuiaateqarlutillu.

Imm. 2. Siulittaasup akuerisinnaavaa inuit allat aggersarneqassasut aalajangiisartunut nassuiaateqariartorlutik.

Imm. 3. Kukkunersuisut pillugit Aalajangiisartut ataatsimiinneri tamanut ammasuuneq ajorput. Siulittaasup illuatungeriit kissaateqarnerat naapertorlugu akuerisinnaavaa aalajangiisartut ataatsimiinneri tamanut ammasuussasut, tamanna pisariaqanngitsumik narrunarsaataalersitsissanngippat, matumunnga ilanngullugit suliffiuteqarnermut imaluunniit suliffiup ingerlanneqarneranut isertukanik saqqummiussineq.

§ 10. Illuatungeriit arlaannaataluunniit aalajangiisartunut ornigunnissaq kissaatiginnippagu. aamma ilaasortat suliamik suliarinnittut akornanni isumatigiittoqarpat maalaarut pappiaqqatigut suliarineqarsinnaavoq.

§ 11. Kukkuersiuisut pillugit Aalajangiisartut aalajangiinerat nalinginnaasumik amerlanerussuteqarluni taasinikkut pisassaaq.

Imm. 2. Aalajangiineq tunngavilersorneqartassaaq aamma ikinnerussuteqartut isumaat eqqartorneqartassaaq.

Imm. 3. Aalajangiineq allaffissornikkut oqartussanut allanut ingerlateqqinneqarsinnaanngilaq.

Kapitali 4

Tamanut saqqummiussineq aamma nalunaarut il.il.

§ 12. Kukkuersiuisut pillugit Aalajangiisartut aalajangiineri allattaavinnut allanneqartassapput, siulittaasumit atsiorneqarsimasussanut.

Imm. 2. Kukkuersiuisut pillugit Aalajangiisartut aalajangiineri suliap illuatungiliuttuinut, Kukkuersiuisut Naalagaaffimmit akuerisat Peqatigiiffiannut, Kukkuersiuisut Nalunaarsukkat Peqatigiiffiannut FRR-imut, Kalaallit Nunaanni Naalakkersuisunut kiisalu Erhvervs- og Selskabsstyrelsimut nassiuuneqassapput.

Imm. 3. Kukkuersiuisut pillugit Aalajangiisartut aalajangersinnaavaat aalajangiineq tamanut saqqummiunneqassasoq, tamannalu pissasoq atermik taasisoqarluni. Tamanut saqqummiussineq Retsinformationsdatabasen-imi pissaaq, aalajangiisartut nittartagaanni imaluunniit taakkunani marlunni tamani.

Imm. 4. Maalaaruteqartoq tamakkiisumik ilaannakortumilluunniit taperserneqarpat Kukkuersiuisut pillugit Aalajangiisartut imaluunniit taakkua sinnerlugit siulittaasooq aalajangersinnaavoq akit-suut akiliutigineqarsimasooq tamaat imaluunniit ilaa utertinneqassasoq. Aamma taamaalioraqassaaq maalaarut itigartitsissutigineqarpat.

§ 13. Kukkuersiuisartut pillugit Aalajangiisartut sulinertik pillugu ukiumoortumik nalunaarusiamik saqqummiisassapput.

§ 14. Nalunaarut atortuulissaaq ulloq 1. august 2008

Erhvervs- og Selskabsstyrelsen, ulloq 28. juli 2008

OLE BLÖNDAL

/Grethe Krogh Jensen

